

國朝先正事略

國朝先正事略卷之二十一

平江李元度次青集

吳槐江宮保事略

公諱熊光字望崑別字槐江江蘇昭文人乾隆戊子舉順天鄉試出秦尚書承恩門秦公父翰林學士大士推公造笑曰師爲假總督弟乃真總督耶時秦公年二十四初授編修公年始十光聞者殊不謂然後秦公以尚書署直督而公歷兩湖直隸兩廣三督如學士言己丑壬辰兩舉中正榜授內閣中書乙未直軍機處尋擢侍讀遷刑部郎中甲辰授御史擢給事中父憂去服闋補原官嘉慶丙辰遷鴻臚少卿通政司參議故事科道司

糾劾通參班。凡九卿皆退出軍機處。公以明達勤慎。當輔特保得。留直。國初沿故明制。票擬承宣。皆由內閣至。

憲廟許。內外職掌官具摺奏事。凡事有出入者。皆奏定。然後循例具題。設軍機處於門下。選三品以上鴻達親信者為軍機大臣。小四品京堂以下。至閣部屬之能者為章京。每日寅刻奏事。處納摺。圍。

太烟燭。批覽畢。即發軍機處錄入檔。乃面諭大臣。寄信各原奏官。其面之名。因廷寄班次。非朝賀皆絕席。會議大政皆主議。實當古錄尚書事。同平章之職。其大學士在內閣者。則承明發。題本。致成事而已。公初任章京。即為阿文成所器。前後隨文。

成勦辦蘭州回匪者一。獻閩浙重案者二。督堵東河漫口者四。查閱海塘淮河者各一。與文成同柄政者爲故大學士伯和理。丁巳文成薨。益橫溢無檢。至於廷寄前行。專署已銜姓。天下稱伯相。從風盡靡。以文成尤善。公甚嘆之。是年閏六月。

純廟幸豫陽時。苗匪未靖。而教匪漸猖獗。訓政憂勤。或午夜視事。一日以宣軍機大臣不得命。召章京。唯公已上直入對。稱旨。次及同直章京之戴文端公。少頃伯相至。

上曰。軍機事日繁。傳森吳熊光皆練事。可在軍機大臣上行走。以助若伯相。謂公官纔五品。不符體制。

上命加三品卿銜。又曰。其家貧。大臣例乘肩輿。恐力不辦。

上命賞戶部飯銀千兩。又曰：戴衢亨出身狀頭官學士，在軍機日久，與吳某同用，吳不如用戴。

上曰：此豈殿試耶？和珅語塞，乃承旨。然文端卒與公同加三品銜，拜命而班次仍居公下。傳公任侍郎久日，昨召見，詰問甚厲，人共危之。及上直，乃知

聖意疑傅公識度，或未勝大受審試。而後發與一面之頃，決機授政者有閒矣。公在政府六閱月，和珅不便其所爲，出爲直隸布政使，已未春。

純廟升遐，和珅敗。公言和珅管理吏戶刑部步軍統領各衙門日久，多變舊章以營私，大怒，雖除猾吏，仍可因緣爲奸利，亟宜

逐條更正

嘗廟可之。授河南巡撫。自丙辰兵興。川陝楚豫之督撫皆駐邊界。治戎務。公在豫。以防勦功。賞戴花翎。加敘軍功三級。辛酉夏。擢湖廣總督。壬戌春。餘孽蕩平。晉太子少保。既回省。有以收受河陽知州秦素金兩淮厘費二事劾公者。查驗無蹟。事以白。甲子夏。調直隸。乙丑。

聖駕東巡。奉天恭謁。

三陵。九月。公接。駕夷齊廟。賞穿黃馬褂。時文敏公百齡已由粵撫。蒞楚。督任。而是日。都察院有據廣東已革知縣。訐控文敏在粵婪索各款之奏。兩廣總督那彥成與文敏互訐之奏。亦

至矣。

止命侍郎托濟副公往抵楚。訊得其間。丁婪索狀。未定讞。上復入勅撫孫王庭言。當那公以倡撫。降臨至二千餘人。擡資匪魁。聖鑒垂憐。項大嚴旨。逮入都調公督兩廣。以楚獄交托。公公甫行而交鋒亦被逮。公在北久。粵中尤潮溼。性不習。漸作寒熱。洋氣劇烈。疾治事而溫旨屢問病狀。給優候。公益不敢有他請。腹腹極。呻吟。與船十三艘泊香山難頭洋。其舟度路利。以兵船三入黃埔。并有三板船入省。漢聲稱防禦。咄囑西意殊回。漸故事外。夷兵船或寄內洋。俱調兵立時驅逐。公念三年來督率鎮將。轉戰重洋中。匪氛雖稍戢。而師殊老。故務爲鎮靜。唯飭

令回帆歸國。傳諭大班停開船以絕其望。而夷船遷延至十月。起旋奉嚴議。亟職效力南河。己巳赴工所。會文敏爲後督。有旨飭查夷船來去之由。以公憊懦覆奏。遂逮戍伊犁。抵戍一載。督員召還。卒未授武選司主事。癸酉春乞病回籍。其秋林逆變起。

上思公議趙家爲楚儻。時柄政者爲軍機舊屬。恐公難爲人下。乃止。道光戊子重宴鹿鳴。加四品卿銜。又六年癸巳二月卒於卒櫬秘第。年八十有四。公性樸直。奏對必以誠。能言人所不敢言。其自老耄。謂直隸也。初入覲。

上謂曰。教匪淨盡。天下自此太平矣。公曰。督撫率郡縣加意撫。



循提鎮樂縣并加意訓練使百姓有恩可懷有威可畏太平日  
不難為若稍形鬆懈則伏戎於莽吳起所謂舟中皆敵國也可  
勝臨武未幾

仙泉返自關東

駐蹕東齊廟公與戴文端董文恭同

召見

上田此從有詩道路崎嶇風景崎無可觀者余則道路甚平治  
風景絕佳人言可盡信哉公越次對曰此非讀書人語也  
皇上此從欲面積

奏祝

太宗創業艱難志迹以爲萬世子孫法豈宜問道路風景耶有  
貢

上曰公曰卿蘇州人朕少厯蹕過蘇州風景誠無匹矣公曰  
皇上前所見翦綵爲花一望之頃耳蘇州城外唯虎邱稱名勝  
實則一墳堆之大者城中街皆臨河河道仄逼糞船全集午後  
輒臭不可耐何足言風景

上曰如若言

皇考何爲六度至彼耶公叩頭曰臣從前侍

皇上謁

太上皇帝蒙諭曰朕臨御天下六十年並無失德唯六次南  
巡勞民傷財實爲作無益害有益將來皇帝如南巡而汝不阻  
止汝係朕特簡之大臣必無以對朕

位。聖。之。所。悔。言。猶。在。耳。

皇上宜謹佩勿諼。時同列皆爲橋舌。文端出以語人。且曰。論諸  
寡。勿。欺。而。犯。史。記。言。引。太。體。慷。慨。吳。公。殆。近。之。矣。後。有。以。文。端  
所。稱。述。質。公。者。公。笑。曰。墳。堆。糞。船。兩。節。乃。乾。隆。初。故。相。訥。公。奉  
差。江。浙。直。道。覆。奏。之。言。老。夫。重。述。之。耳。公。又。嘗。曰。刑。賞。者。聖  
主。之。大。柄。而。其。柄。寄。於。封。圻。大。吏。以。有。司。援。案。比。例。求。免。駁。斥  
之。術。處。之。外。矣。例。有。一。定。情。則。萬。端。故。遇。事。必。當。詳。細。審。情。以  
施。刑。賞。賞。人。而。有。裨。於。吏。治。民。生。雖。不。符。例。賞。賞。所。必。加。也。  
刑。一。人。而。有。益。於。世。道。人。心。雖。不。符。例。刑。刑。所。必。及。也。卽。不。得  
請。必。再。三。力。爭。之。乃。爲。不。負。若。憂。嫌。畏。譏。隨。波。逐。流。其。咎。蓋。非。

溺職已也。是可以概公生平矣。初公赴楚督任。未出豫境。遇協防陝西兵二百餘人。以缺餉兩月。逃回本營。而陝營公牒亦至。公命集訊。或言是皆當死法。公仁人。且已非豫撫。可弗理。公曰。察其情形。苦累缺餉必矣。協防非臨陣回本營。非避匿山海。豈可同論哉。遂杖首謀者二人。悉分撥豫邊防堵。諸鎮將給予口糧。既入楚。有鄉勇糾搶民寨。被寨民縛送三十餘人。公卽日受詞。駢梟之。移學甫下車。李崇玉懸首菜市。之信將已至。那公罪且不測。而東莞縣報鄭流唐率眾投誠。當事莫知所措。公審其悔罪情實。不可殺降。以爲功。婉奏請仍遵前旨。免死。安插被脅者。得遞原籍。駐鄧也。訛言賊將大至。一夕揭帖遍衢巷。而

州民復告密。有村庄有期會。公杖而逐之。軍吏請增防。公不爲動。嗣得賊閒訊之。皆閒所爲也。乃大服其駐廬氏也。當燈節。川陝賊各萬數。竄入南山。迫廬氏。公命大張燈賀節。賊遂遠去。其張弛得宜。有定識多類。此所著有伊江別錄。春明補錄。葑溪筆錄。皆紀所見聞。滿漢諸大老言行。足以維繫國脈。民命多後進所未聞云。

阮莊錢南園通副事略 曹錫寶 謝振定 武 德

公諱禮字東注號南園雲南昆明人年十八游同邑王素懷先生之門素懷之教首嚴立品但有一介之苟輒屏之以爲非人公謹守其教嘗曰立品必自慎獨始於人所共知者而猶不檢獨中豈可復問人禽之界混則雖破萬卷適以取罪聖賢耳生平剛正之學實本於此乾隆三十六年成進士選庶吉士由編修改御史疏劾山東巡撫國泰貪黷穢亂虧帑數十萬金國泰者太學士和珅私人也疏入高宗立召對公力陳東省虧空狀上曰當遣和珅往勘公意不謂然

上察其辭色徐曰然則爾同法可也公拜命出不俟和珅先  
數自行徵服止良鄉見幹僕乘良馬過索夫役甚張跡之則和  
珅遣往山東齎信者也公詳審其貌未幾僕還道遇公叱止之  
驗其身得國泰私書具言借款填庫備查等事中多隱語立奏  
之和珅至見公衣敝贈輕裘請易嶮卻之知不可私干又知謀  
已洩故治獄無敢傾陂比反命

上持示國泰私書曰朕早悉其詳無待覆奏也於是國泰遂伏  
法甘肅冒賑事發公劾總督畢沅瞻徇迴護得旨查辦畢坐  
削級當是時公直聲震海內累遷通政司副使提督湖南學政  
和珅屢媒槩其短不得乃以湖北鹽政有失鐫公三秩尋遭難

歸服闋補主事

高宗知其直更擢爲御史。命直軍機處。時和珅爲軍機大臣。與阿文成等不和。公上疏曰。臣伏觀我朝設立軍機處。向來大臣與其職者。入皆萃止其中。用以集思廣益。仰贊高深。地一則勢無所分。居同則情可共見。卽屬寮白事署稿。亦得有定所法。至善也。乃近日惟大學士阿桂一人。每日入止軍機處。大學士和珅。或入止於內右門內舊直廬。或入止於隆宗門外近造辦之廬。大學士王杰。尙書董誥。則入止於南書房。尙書福長安。則止於造辦處。每日僅召見時聯行而入。退卽各還所處。雖亦有時暫至軍機處。而事過輒起。屬官白事署稿。未免趨走。



多歧以

皇。上。乾。行。之。健。離。照。之。明。大。小。臣。工。戴。德。懷。刑。決。不。至。因。此。遂。  
啟。角。立。朋。黨。之。漸。然。行。之。萬。世。而。無。弊。實。莫。過。於。率。由。舊。章。蓋。  
自

世宗憲皇帝以來及

皇上御極之久。軍機大臣萃止無換。未嘗纖芥有他。由前可以  
律後。不應聽其輕更。况內右門切近。禁寢向來因有養心殿。  
帶領引見之事。須先一二刻豫備。恩加大臣。不令與各官露。  
立。是以設慮許得暫止。不應於未辨色之先。一大臣入止而軍。  
機司員皆隨之。爲日既久。不能不與內監狎熟。萬一有無知如。

從前高雲從者雖立正刑辟而所絀已多杜漸宜早至南書房  
原備幾暇顧問俟軍機事畢後入直未遲何必遽入於未辨  
色之先致諸弗便若隆宗門外直廬及造辦處則應差人眾皆  
得覘聽於外大臣於中辦事亦屬過褻敢請 敕飭諸大臣仍  
照舊規同止軍機處庶匪懈之忱各申五夜協恭之雅共勵一  
堂至圓明園辦事亦同一體近日和珅福長安止於如意門外  
直廬王杰董誥止於南書房並請 敕改正疏入  
上覽其言降 詔飭責由是有稽查軍機處之 命竟日危坐  
其閒和珅益嘆公而

高宗知其賢不可諧則凡軍機勞苦事多委之家貧衣裘薄嘗

夜入幕出。積勞感疾。以殞。方和珅之秉政也。士有恥趨其門下者。已可貴矣。若夫立論侃然。能訟言其失於章奏者。公一人而已。然幸天子仁明。組網猶在和珅。雖甚怨惡。公不能逐之。使去第勞辱之而已。

仁宗既親政。除慝掃姦。屢進疇昔不爲利誘之士。而公已前卒。不獲稍畱其身。以待公論大明之日。俾天下得益覩真儒之效。豈不惜哉。公督學湖南。嚴厲不少假借。卷必親閱。每試士正襟坐聽事。目炯炯終日不倦。凡字畫破體省俗。必譴責之。然勤於訓士。六年中未嘗褫一諸生士之服。其教者。歷數十年如一日。

雖非身受拔植者亦謳頌弗衰也在湖南時歲大旱陸撫軍燿以禱雨得熱疾卒代者至值生日將稱觴閭者請餽公曰前經撫方以死勤事今遽舉觴稱慶耶命餽燭二挺藕數斤巡撫懼而止公眉稜聳峭朝列皆畏憚之其實虛懷樂善出於至誠詩文蒼鬱勁厚得古意書法遍平原嘗與酣畫馬識者珍之如拱璧云同時以伉直忤和珅者有御史曹君錫寶謝君振定博山縣知縣武君億

曹君字鴻書號劔亭晚號容圃江蘇上海人也乾隆辛酉舉人考授內閣中書直軍機處丁巳舉進士選庶吉士憂歸十年散館改刑部主事遷員外郎典河南鄉試擢郎中分校會試督山

西學政乙未授山東糧道。坐旗丁鬪毆事。里吏議改部員。在四庫館行走。議敘以司業用。特旨授陝西道御史。疏劾和珅家人劉全衣服車馬房屋踰制。先有某卿竊知其事。飛書告和。乃星夜毀其跡。和答某書曰。必有以厚報。於是留京王大臣奉旨勘查。僭妄蹤跡竟不可得。而君危甚。馳赴熱河待誨。時和珅當國已十餘年。中外無一人敢投鼠者。聞此舉。皆咋舌。一。二有心人仰屋竊嘆而已。亦未敢訟言君賢。皆曰。曹君禍且不測。然高宗竟不以罪君也。部議鑄三秩。特旨改革職。留任逾年。轉掌陝西道。巡視北城。分校順天試。壬子九月卒。年七十有四。越七年。

仁宗親政六日。和珅下獄。尋賜死。某卿洊擢總憲矣。卽日罷斥。

上於是追念曲突徙薪之功。惟君一人耳。乃下詔曰。當和珅勢燄薰灼時。舉朝無一人敢糾劾者。前御史曹錫寶獨能抗辭執奏。不愧諍臣之職。今和珅治罪後。查抄劉全家產。竟至二十餘萬之多。是錫寶所劾不虛。宜加優獎。以旌直言。可追贈副都御史。照加贈官階。廕其子。於是天下士聞之。莫不吞聲心折。呼聖明。萬歲。嘆天道久而必彰也。二十一年。入祀鄉賢祠。

謝君振定。字一之。號薌泉。湖南湘鄉人。負經世才。尙氣節。能爲古文。乾隆庚子進士。由編修改御史。戊申。典江南鄉試。巡視南

漕入瓜儀糧艘阻風禱於神得濟疏建風神廟嗣是渡江風輒順京口人呼謝公風嘉慶元年巡視東城有乘違制車彪彪然絕道而馳者擒訊之則和坤妾弟也其人怙勢橫甚君痛杖之焚其車於通衢事聞有詔令指實則車已焚無左驗竟坐罷官自此直聲震天下四年和坤敗特旨以主事起用應詔陳言卽條上時務數事議論嶽嶽不苟同尋遷禮部員外郎典陝西鄉試出視通州坐糧廳勇於任事革陋規釐剔叢弊勞瘁卒官嘗慨古學衰歇見儕輩中有能古文者輒手寫之思欲網羅當代文章都爲一集未就所自著曰知恥堂集

武君億字虛谷河南偃師人父紹周雍正癸卯進士官郎中君

舉乾隆四十五年進士五十七年授山東博山知縣會和珅兼  
步軍統領聞妄人言反賊王倫實未死密遣番役四出蹤跡之  
於是副頭目杜成德曹君錫等攜徒衆持兵刃橫行數州縣莫  
敢誰何入博山境方飲博酣恣君聞卽捕之成德尤倔強出牌  
擲之堂臚目厲聲曰吾曹奉提督府牌緝要犯汝何官也不肯  
跪君詰曰牌令汝所在報有司協緝汝來三日不吾謁何也且  
牌役二人此外十一人爲誰卽擒而杖之民皆爲快而大吏大  
駭卽以杖提督差役劾奏副奏投和珅而番役例不當出京城  
和珅哂曰是暴吾差役之不謹而陰爲強項令地也還其奏使  
易於是以任性行杖劾奪君官博山民老弱數千人謁大府乞



國朝文獻卷之二  
三  
畱我好官大府察其情悔之曰必還汝知縣姑散歸無譁乃挈君隨入覲將爲謀捐復阿文成公在朝堂昌言其屈而和珅實總吏部駁之事遂寢然和珅自是亦不使番役再出矣

仁宗皇帝在藩邸聞君名及親政置和珅於理詔各舉所知

大臣交薦君敕吏部調取引見時嘉慶四年十一月二十九

日旨也而君先一月卒矣君任博山及去官才七月而多惠

政勸民節儉勘范泉書院親課士訓以敦倫實學革煤炭供餽

里馬草豆絕不以累民邑有孝子節婦必先榜其門乃具狀請

旌附郭佛寺多女尼除老弱廢疾外悉遣嫁之決辭無畱獄禱

雨立沛有干以賄金二千者曰汝不聞雷聲乎某矢禱久矣旣

罷官。累主郡邑書院。所至以學行造士。所著有經讀考異。羣經義證。三禮義證。金石跋。授堂劄記。偃師金石遺文補錄。讀史金石集目。錢譜。授經堂詩文集。凡數百卷。卒年五十有五。君深於經史。七經注疏。三史及通鑑。皆能闇誦。酷嗜金石文字。性善哭。館朱學士筠家。值除夕。學士曰。客中度歲。何以破岑寂。曰。但求醉飽而已。乃餽彘肩二雞一鷺。一蒙古酒一斗。他物稱是。皆盡之。問復何求。對曰。哭。乃失聲大慟。比鄰驚問。學士則大笑。陽湖洪稚存黃仲則客輦下。貧不能歸。偕飲天橋酒樓。遇君。招之入酒半。忽左右顧哭聲大作。樓中客皆駭散去。其振奇類此。

百文敏公事略

嘉慶二十一年十月兩江總督百公以疾聞。

上命乾清門侍衛率尙醫馳傳問視。至日公薨。

天子覽遺疏垂淚悼惜。賞還協辦大學士。遣侍郎博啟圖偕

公弟學士桂齡往治喪。靈輓入城。遣皇子卽家賜奠。禮臣議

優卹。予祭葬。諡文敏公之才猷事功見於寵翰褒答者一

則曰國家柱石當代名臣。一則曰鍾上蘭之秀氣生申甫之良

才煌煌乎彰信國史榮矣備矣。伊古儒臣所罕覩也。公諱百

齡字子頤號菊溪。姓張氏。居遼東。先世從龍入關隸正黃旗漢

軍。父法良乾隆甲子舉人。官陳州知府。公生時大父夢偉丈夫

持權衡入室。覺而公生。喜曰：此子必大吾門。幼穎異。長益奮於學。乾隆壬辰成進士。選庶吉士。授編修。充四庫館提調。丁酉分校順天試。甫出閤。簡授山西學政。還朝。改御史。丁父憂。壬子補原官。擢奉天府丞。兼學政。名不與開列。而膺是命。公之承異數自此始。尋丁母憂。嘉慶三年再補奉天丞。己未調順天。兼署府尹。庚申授湖南按察使。辛酉調浙江。遷貴州布政使。壬戌調雲南。癸亥擢廣西巡撫。以平反武緣民枉死獄。

上嘉異之。加太子少保。賜孔雀翎。調廣東巡撫。緝獲洋盜四百餘名。公撫粵多惠政。而嚴禁班館。重懲蠹役一節。尤得民心。及去任。士民遮道。畱肩輿。不得發。至夜乘馬乃出城。甲子擢湖

廣總督楚多劇盜。公下令悉力擒捕。行以便宜。江湖千里如枕。席莅楚三月。以撫粵時失察家人事落職。按驗議遣戍伊犁。上悉察而原之。命來京効力史館。丙寅。命馳赴福建總理軍糧事。竣。賞六品頂戴。補汀漳龍道。丁卯。遷江蘇按察使。擢山東布政使。山東巡撫再擢兩廣總督。自是。上知公益深信。公益篤而倚畀亦日益殷矣。粵洋久不靖。巨寇張保挾眾數萬。勢甚張。公至。奏。檄沿海商船嚴禁。消賊濟水。諸弊。籌饋餉。練水師。懲貪。去懦。每一檄下。耳目震新。又巡哨周嚴。遇盜輒擊之。沈海。羣魁奪氣。始有投誠意。然懼誅。未敢遽進。揚言必制府親臨。望見顏色。乃降。衷甲頓舟。以待。實藉爲嘗。試地。

或謂公不宜以貴重身蹈不測。公曰：粵人苦盜久矣，今乞降，若不坦懷待之，海氛何由息？遂單舸出虎門，從者十數人，保率巨艦數百，轟礮如雷，煙燄蔽天。日環公船，作跪遶狀。公危坐舟中，屹然不爲動。麾左右呼保，駛近前，曉以利害。見者睚眦膽落，詫爲天人。皆面縛，旬命公立，撫其衆，許奏乞貸死。旬日閒，解散二萬餘人，繳船四百餘艘，礮械無算。復令保招降烏石二，以計誘至雷州，斬之，並斬爲從者百餘人，釋其餘黨。全海肅清。

上愈嘉異之，復太子少保，賜雙眼孔雀領，賞輕車都尉。公

疏請添設水師提督，駐虎門，從之。辛未，取以疾告回京，補刑部尚書。

上以部事繁改左都御史兼都統未弔月河決王家營授兩江  
總督命一力治河公之官京師也壯歲有子不育屢荷  
廕是年九月

仁宗萬壽之辰召見樞臣面奏公得子

上喜甚下詔曰百齡年逾六旬望子甚切連年任事有裨封  
置故得上蒙

天祐老年生子朕甚爲欣悅可賜名扎拉芬公奏謝手詔優  
答有天賜麟兒語雖父子家人之誼不是過也壬申大工合龍  
屢荷殊獎受賞賚並以漕艘渡黃遄速賞公子六品蔭  
生癸酉拜協辦大學士管兩江總督公之治河也首治積年未

疏之海口。海口大暢。乃求效於河。大要以謹守東清。壩爲第一義。撓令者必重創之。盡瘁河干者五年。黃流迄無倒灌患。卽盛漲亦速消。恬瀾偉功。至今老兵猶言之。位下甲戌。御史吳雲馬履泰劾公任用朱爾賡。額貪黷侵欺。所舉劾多失當。

上命松筠初彭齡往按驗。松公等奏所劾無實據。

上曰。百齡實屬有爲之臣。朕非虛言。所能搖惑之主。公聞之。仰天搏頸。嗚咽不能起立。烏虜公之志良苦。然明良一德之雅可謂盛矣。明年。初公署江蘇巡撫。劾公會受鹽場餽遺二萬。詔

大學士托津尙書景安往勘。白其誣。

上責初公妄奏。命嚴議。公尋坐勘獄失入。奪宮銜。及協辦大



學士暫留江督任江省有莠民散逆詞惑眾偵刺久無蹤公憂甚。

上亦切責公。乙亥夏一日召機幹將吏三數人入密室給契箭一枝令曰某已廉得逆犯主名可速往某處掩捕檣緩一時者斬疏脫一人者斬如公教果獲方榮升等首從百五十人於巢縣械送駿門讞實抵極法無漏網者。

上重嘉異之謂實能秉正祛邪厥功甚懋復太子少保賞還

雙眼花翎晉爵三等男公子晉五品廕生旋兼署安徽巡撫時

御史石承藻劾襄陽知府王樹勳係京城廣慧寺僧明心因犯

禁遞解回籍諱罪混捐得旨逮訊諭詢公會與明心識面

在湖北復令王樹勳占休咎。是否知其卽係一人。公奏止。知樹勳爲候補同知。不意其卽係明心。

上以事隔十餘年。未必卽能辨識。命覓議。九月以病請開缺。上深憐而勉慰之。以松公往代其事。仍命公在江省調理。疾瘳仍回任。迨賜醫至。公自度不起。口授遺疏。逾時薨。年六十。有九。軍民巷哭不絕。公少負文名。復研貫史籍。經濟閎深。名益起。時當軸。頗欲延攬英賢。以峻聲望。公挺勁自異。不屑隨人。俛仰致浮沉。冷局十餘年。嘉慶初。始敷歷重鎮。勳望煒然。賞輕車都尉。時尙未有子。吳學士藻寄詩云。天子知從無事日。即君貴在未生時。公見之甚喜。所自爲詩曰。守意齋集。

孫奇圃相國事略蔣攸銘

公姓孫名玉庭字奇圃山東濟甯州人乾隆四十年進士由編修出爲監司游擢臬藩巡撫大邦遷兩江總督拜協辦大學士晉體仁閣大學士任總督如故道光四年河決高家堰被議除名公以廉介結主知恪事

三朝厯敷中外五十餘年清操碩德爲天下望生平嚴重識大體鋤剔姦蠹撫綏遠人不邀旦夕不可必之功銷患未萌天下陰受其賜焉粵東負山襟海重洋出沒孕納污垢其人嗜利輕生椎蕘剽劫睚眦鬪讐號難治嘉慶閒洋盜充斥舟師無功公之爲巡撫也奏稱自古但有海防未聞海戰惟當嚴守口岸添

駐弁兵。禁淡水米糧以絕之。而以米艇數十艘。居中策應。使賊進無所掠。退無所資。爲不擊自斃之策。而督臣銳意主剿。其言不行。久之。師老盜勢遂熾。招撫誘以賞賚。百姓有爲民不如爲盜之語。公抗疏力陳其弊。謂盜匪非眞悔罪。特爲貪利而來。官吏意在貪功。不惜重金爲市。然罪貴姦萌。陽避盜名。陰攫盜實。及有司鉤捕。則踴躍駛海而去。科其劫殺之罪。極刑不足蔽辜。今則以賞爲刑。以招爲弭。廢法歛怨。莫此爲尤。夫剿撫兼行之計。莫如堅壁清野。斷接濟以絕其糧。嚴口峒以防其突。以主制客。以逸待勞。批亢擣虛。馴致消耗如是。則海道漸臻晏謐矣。奏人。

容廟避之。公精於治盜。購謀鉤篡。無不立獲。嘗誅盜百七十有奇。其楊阿鹽。鄭阿訂。關念棕。各大盜並弋致之。實諸法。李崇王者。陸豐甲子盜魁也。爪牙森鉅。勢張甚。長吏畏其潰癰。腠縮不敢問。公嘗讞獄潮州。密飭某鎮以舟師塞甲子港口。截其入海之路。別遣官率壯丁由陸路疾馳擒之。部勒甫定。碣石鎮李漢升適至。堅請與俱。公不欲其行。且云。爾去必債事。而勢不能禁。距賊巢里許。李鎮兵伍突鳴排鎗。崇王方飯。大驚跳而逸。比圍其廬。僅獲賊之父母兄嫂子姪而已。公據實入告。有旨逮漢升。人皆服公。先見潮州俗獷悍。毛髮之隙。輒剗刃。其同姓者黨而報讐。於是糾宗而鬪。曰械鬪。習爲常。鄭馬兩姓鬪。互殺百六

十餘人有孫映輝者。前山東金鄉令也。嘗已革生員林哲斃其  
姓二十三人。林亦斃孫姓。減其二。獄積五年不決。公往鞠之。梟  
馬姓二十餘人。而奏。視映輝職。餘按律抵罪。遠近肅然。國家  
恬冒中外懷柔百族。其最遠者爲暹。咭。喇。近者爲安南。映。咭。喇。  
在俄羅斯之東。大西洋之北。距中國數萬里。乾隆閒航海入貢。  
安南在廣西太平府南。自漢迄明。始隸版圖。繼淪異域。然籲封  
修貢。恪服素著。自阮光平滅黎氏。而有其國。傳至光緒。阮福映  
滅光緒而奪之。嘉慶七年。福映奉表。稱本黎氏舊臣。爲祖父復  
讐。不敢無故稱兵。且俘光緒所遣內地海盜莫觀扶等數十人。  
械歸廣東。而以光緒所受敕印獻諸。

天朝額請錫封時公巡撫廣西察其恭順以爲國家於外夷不以其國之順逆爲衡而以其順逆於我者爲準妻請納款得旨允行明年福映請以南越名其國公以名嫌趙佗不祥駁之睿廟謂福映恃功邀請心存叵測有海道邊關密飭防備之諭而福映自以世居越裳申請至再固不知南越之爲嫌也公以謂嫌名不可蹈而邊隙不可開國體不可不尊而遠人不可不輯遂奏福映初得富春卽遣使航海輸誠既有安南復遣使啟關請命懷畏德威足徵恭順使其不恭奚需名號不可以語言文字之末阻外夷歸化之心且百越之南本爲夷域彼先有越裳繼有安南請錫號越南於肇錫嘉名之中仍其舊域故

其之義。奏入。得旨。俞允。嘉慶二十年。喚咭喇入貢。其使不能  
行。三跪九叩首禮。廷議以其峒強遣之。

睿廟不憚。公適述職京師。召見垂問。以公嘗撫粵。悉夷情也。  
公面奏。乾隆五十八年。喚夷貢方物。使至京。已不能效中國禮  
拜之儀。其大班曰。呵噹。嘗於廣東巡撫署拜領。

大皇帝賞物。弓身俯伏。臣親見之。譯者曰。俯伏者。夷禮之免冠  
頓首也。今貢使卽呵噹。未有謹於彼而驕於此者。

上問其國富強有諸。公奏其富由中國。彼以所有易茶葉。轉鬻  
於附近諸夷。故富耳。然一日無茶。則病禁之。則彼窮且蹙。又安  
能強。如其妄有干求。當折以天朝之法度。如其歸心恪順。不



必責以中國之儀文。反覆開陳。漏下四刻。

審廟大悅。優旨褒之。當兩國之求封入貢也。廟堂疑慮。不釋封疆。大吏稍有迎搆倖功之心。邊釁兵端且立起。公未發而預籌其收。不敢鹵莽。試鎮之以靜。待之以誠。全國體而綏荒服。其計慮深長。利豈厯在一時已哉。道光初元。樞臣議條州縣陋規。算及舟車。公謂非體力。陳其不可。

上立悟而止。優旨褒嘉。許爲大臣。其疏橐尤膾炙人口。云公。以乾隆甲午舉於鄉。至道光十四年。甲子一周。而公罷退里居十年矣。撫臣以重宴鹿鳴入告。諭旨賞四品服。是年冬十月。薨。春秋八十有三。道光二十四年。孫毓淮以一甲一名進士。

賜及第。官至按察使。世咸謂碩德之報。同時有蔣襄平。相國者。後公九年成進士。亦由大學士出。爲兩江總督。與公齊名。

蔣公名攸銛。字穎芳。號礪堂。遼東襄平人。隸漢軍旗籍。父韶。年官知州。生母徐氏。禱於蘇郡五隴山。生公於江蘇布政司理問署中。幼穎特。年十三。爲諸生。十八。舉順天鄉試。出翁覃谿學士門。劉文清公見其闡中試律詩。擊節稱賞。曰。此子當爲太平宰相。十九。成進士。選庶吉士。時乾隆四十九年甲辰也。五十二年。以編修充福建副考官。逾年。丁外艱。五十七年。典貴州鄉試。明年。分校會試。又明年。典陝西鄉試。六十年。典河南鄉試。嘉慶元年。督廣西學政。丁內艱。四年。補御史。六年。授贛南道。廣昌會匪。

聚眾爲亂。公往治。激勵士民。擒首惡。誅之。餘黨解散。逾年。丁生  
母憂。十年。署惠潮嘉道。明年。擢江西按察使。又明年。擢雲南布  
政使。十四年。擢江蘇巡撫。調浙江。明年。入覲。預重華宮茶宴。  
是年冬。調河督。公以不諳河務辭。詔回浙江任。十六年。擢兩  
廣總督。入覲。賜戴花翎。時。噴。咭。喇。有護貨兵船。擅入內洋。不  
敢驅逐。公飭停貿易。以懲之。夷計細。乃遵約。如舊制。二十二年。  
調四川總督。川兵習尙驕縱。公壹裁以法。犯者必懲。習遂革。乃  
重修文翁石室。遺址興學舍。以造士。成就者多。二十四年。公帶  
領川中土司大頭目十四人入都。恭祝萬壽。召見十一次。  
親酌酒。賜之。賞賚有加。禮道光二年。內召爲刑部尙書。

賜紫禁城騎馬。三年，授直隸總督。四年，拜協辦大學士。明年，公壽六十，賜御書宣勤篤祐額，暨福壽字如意冠服文錦諸珍。六年，典會試。晉文淵閣大學士，加太子太傅。八年，授兩江總督。公自館選至入閣，皆亨衢特進。歷中外所至，有聲績。十年，坐鹽梟事，左遷侍郎。召入都，薨於旅次。

帝深悼惜焉。性聰強，書牘皆過目不忘。熟於左氏傳。卿大夫氏族源流，分合能條舉，無譌與人。一面或曾接一言，隔數十年，記憶不爽。僚吏驚以爲神。其爲政明而不苛，清而不刻，飭武備，清吏源，尤壹意以培植賢才，扶持善類爲念。所薦達者，多任封圻。顯秩如唐公仲寬、嚴公如煜、劉公清、趙公慎、眇陶公樹林、公

則徐其尤著者也著有繩柵齋詩集子蔚遠官至貴州巡撫

戴文端公事略

戴公衡亨字荷之一字蓮士。曾祖某由江都遷江西之大庾。遂爲大庾人。父第元由編修官太僕少卿。公年十七舉本省鄉試。尋應天津召試。賜內閣中書。入直軍機處。乾隆四十三年以一甲一名進士授修撰。時年二十有四。明年典湖北鄉試。有旨仍直軍機處。秋。擢臬。蹕獲魘以獻。御製詩美之。并命和韻。四十九年充江南副考官。督山西學政。繼丁內外艱。服闋典試湖南。督廣東學政。累遷中允。侍講。左庶子。侍讀學士。嘉慶元年。

仁宗皇帝嗣位。凡大典禮諸巨製悉出公一人。公之受深知膺

殊眷。蓋於是始。二年。賜三品卿銜。隨軍機大臣學習。轉少詹事。遷內閣學士。補禮部右侍郎。轉戶部。四年。

高宗純皇帝賓天。朝廷黜陟誅賞之事甚殷。公夙夜攀慕。趨事益勤。遂疾。乞假。假滿。兼吏部左侍郎。賜紫禁城騎馬。五年。調戶部。充經筵講官。六年。教習庶吉士。晉兵部尚書。兼管順天府尹。十二月。川楚教匪平。加太子少保。世襲雲騎尉。八年。調工部尚書。十年。調戶部。總裁會試。入直南書房。十二年。協辦大學士。充口講起居注官。掌院學士。典順天鄉試。十三年。奉命視南河。丁假省墓。并命視公叔均元病狀。十四年。

仁定

旬萬壽。加太子少師。十五年。授體仁閣大學士。管理工

部。御製詩。賜之。有鳳閣隨雙彥。鼇頭冠眾英之句。十六年三月。

上以綏懷西北屬國。幸五臺。公扈從。回。蹕。公途次得疾。至正定。疾甚。命先歸。馳至圓明園。賜第。遂不起。年五十有七。事聞。

上軫悼。榮郡王綿憶奉。命奠醴。賞陀羅經被。及庫金千五百兩治喪。越五日。

上親臨喪次。奠爵三。贈太子太師。詔入祀京師賢良祠。禮部遵行。諭祭禮。內閣以易名請。賜諡曰文端。國初承前明舊制。機務出納。由內閣。軍事下議政王大臣。雍正初。西北陞。



用兵始設軍機處特簡重臣親臣爲軍機大臣於是內閣之任轉輕故本朝軍機大臣其重與魏晉六朝唐初之中書令五代之樞密院等必大學士兼領軍機乃可謂之當國其專直嚴閣者雖膺大拜閒要固絕殊焉惟公由大魁秉政前後直樞廷三十年其庶謐之謨鴻謏之論敷陳密勿者不可以一事計迨敎匪戡定

仁宗皇帝以公知無不言言無不盡詔示天下及公薨復申釋之而公所造膝褒贊雖同直勳舊大僚及公之親屬無有能知其說者用是知公以樞輔勛相國家非淺近所能測識也公性清通無聲色之好朝退四坐皆士大夫言人人殊公不置

可否而朝廷設施有見之數月數歲之後者其燕閒之論則以爲先代黨禍皆驟加擢落有激而成若以事漸去之必無他變論度支主減費守常賦論治河主謹隄防不改道而論三省教匪則以爲小醜跳梁無遠略當以忠勇將帥驅殄之勿使文臣支格其閒此卽公立朝大指也公屢典文衡讀殿試卷者二閱大考卷者二閱庶常散館卷者一皆矢慎矢公御史花杰嘗劾公徇庇蘆商查有圻及讀卷舞弊引洪瑩得大魁狀公具疏辯詔以長蘆商欠一事係由鹽政綜覈查有圻係宦家與戴衢亨向有世誼並非不可聯姻之人至洪瑩原卷已查取進呈并召瑩入上書房默寫試策命皇次子監視朕親加披閱並無

不符且瑩係朕親拔第一。非由讀卷官所擬。花杰任意污蔑。應嚴加議處。並將瑩原卷及默寫卷發交閱看。以服其心。杰尋自承冒昧而。

上眷公乃益深。四次考績皆優。敘有持躬清正。居心坦白之褒。可謂明良一德者已。子嘉端。欽賜舉人。官知府。而公叔父均元字可亭。以乾隆乙未進士。由編修後。公十年。官至東閣大學士。坐事除名。年九十六乃卒。

金蘭畦尙書事略 蕭蘭格公敦元

本朝刑部尙書用人最慎。部中司官明慎者方總辦秋審。其尙書多取歷總辦並踐中外習故事者擢之。而英山金公特以能稱職爲。

上所倚。公性精敏。自爲總辦時。一部之事必關公。及爲尙書。益自力無所阿徇。而天下讞獄者方承。

列祖覆育之後。以寬厚爲福多。稍稍減罪狀上之。公以爲不可。懸千里推鞠。苟引律當。毋更議其直。下刑部及法司會議者。公必持律不得減比。於是部中多以公爲嚴於用法。然歲斷獄大。小以千百計。自同官至羣執事。無有能執公所具改從輕比者。

烏。庫。可。以。觀。公。矣。公。名。光。梯。字。汝。恭。號。蘭。畦。世。爲。安。徽。英。山。人。  
由。舉。人。取。內。閣。中。書。乾。隆。四。十。五。年。進。士。官。宗。人。府。主。事。遷。刑。  
部。員。外。郎。再。遷。郎。中。五。十。三。年。俸。滿。截。取。知。府。仍。畱。刑。部。明。年。  
京。察。一。等。記。名。復。經。刑。部。奏。畱。又。明。年。刑。部。奏。請。以。四。五。品。京。  
堂。用。允。之。嘉。慶。六。年。授。光。祿。少。卿。因。值。覈。辦。秋。審。諸。獄。仍。畱。  
刑。部。尋。遷。內。閣。侍。讀。學。士。山。東。按。察。使。十。年。晉。布。政。使。逾。年。授。  
刑。部。左。侍。郎。先。後。命。往。山。東。魚。臺。直。隸。天。津。及。承。德。府。平。泉。  
州。等。處。勘。獄。均。稱。旨。十。一。年。冬。授。江。西。巡。撫。奏。江。西。積。案。繁。  
多。已。設。局。清。釐。報。聞。尋。擢。刑。部。尙。書。賜。紫。禁。城。騎。馬。舊。例。監。  
守。自。盜。限。內。完。贓。者。減。等。乾。隆。二。十。六。年。改。重。不。減。等。公。主。橐。

奏復舊例。後阿克蘇錢局章京盜官錢計贓五百兩以上。主者引平人竊盜律。常章京絞。情實。公曰。盜官錢當擬斬監追。不決。殺情實則決矣。不得引竊盜律。奏平之。

仁宗覽奏曰。官盜較私盜反薄耶。公免冠。謝曰。與其有聚斂之臣。甯有盜臣。律意如是也。烏庫此可以觀公矣。公爲按察布政巡撫。皆如在刑部核名實。別功過。釐市井。飭軍伍。多以一人智斷行之。蓋公仕宦數十年。計必達乎至微。力必摧乎至巨。持成格以繩崎嶇。數變之情。援古義以削一切。浮沈苟安之習。自謂卑獨。此心可奉。聖主故嶄然有以自見如此。性好士。聞之如恐不見。既見如恐不得當。嘗一爲江西副考官。廣東正考官。兩

爲會試同考官。得士爲盛。多才望。大僚而公言。門下士必首及。故編修張惠言。天下士皆以爲然。公疾惡甚。不能忍。少時遊江南。總督幕府。有華士負重名。公語總督。絕之曰。名教外人。不可使汚階前地也。在江西。有兵官。素瀾浪而無跡可劾。求見公。公切齒。投其刺於地。終公在。拒不見。烏虜此可以觀公矣。公薨於嘉慶十七年十二月。年六十有六。詔稱公練習法律。治事精勤。下所司議卹。賜祭葬如例。同朝有戴簡恪公者。年輩略後於公。亦由刑部屬官。洊歷大司寇。最有名。

簡恪公姓戴氏。名敦元。字金溪。浙江開化人也。年十五。舉於鄉。乾隆五十五年成進士。越三年殿試。選庶吉士。改刑部主事。總

辦秋審處。將擢郎中。出爲肇高廉道。道光壬午。由江西按察遷  
山西布政使。踰年。署湖南巡撫。內召。刑部侍郎。擢刑部尙書。王  
辰。充會試副考官。甲午十一月薨於位。年六十有七。贈太子  
太保。子謚簡恪。其能舉其職。與金公同。而其性情志趣。絕不  
相類。蓋一則苦心致力以求之一。則過目不遺一字。物來順應。  
吏自不能毫髮欺。而其克持情法之平。則一也。公姿稟殊絕。幼  
嘗過外家。堂中有書八架。一月盡讀之。年十歲。郡縣以神童舉  
試。學使彭文勤公賞異之。得名最早。其一生綽然得自行其志  
者。亦名有以先之也。目短視。觀書以紙磨鼻。一磨則竟一紙。遇  
案牘如讀書。一日所見必盡。而後已。既盡則終身不忘。每至一



官所積牘覽一過他日吏偶誤或上下其手爲姦利公輒撻而正之老吏皆吐舌無敢欺者每奏對

上有所咨詢公援引律例誦故牘汨汨千萬言

上亦絕重之生平簡而寡營凡人事居處若時當適來而適應之皆非所必爲者而居不廢職行無異趨有諾必踐蓋其恪也公之赴任高廉也以地方情形非素習寓蘇州之南濠凡數月地本大都會粵人貿遷者往來如織公密訪其風土人情甚悉故事之官有程限或以踰限爲疑公笑曰得失有定分何汲汲爲在江西幕無賓客延屬吏之請刑名者以自助不數月清積牘四千餘獄某縣令素與公習以獲盜當遷秩令甲獲死囚三

名以上者許送部不及則否。公定讞擬辟不及三人令忒然失望。公婉喻之曰：「君子愛人以德，戕人命遷己官，非福也。是乃所以愛君耳。」自江西遷擢入覲，途中日以麪餅六枚供饗，飧不解衣，不下車。五更趣夫起驅之行。凡上官過境，州縣例設供億，具迎送禮。公獨行數千里而興夫館人莫知其爲新任。藩使者抵京師，始喚僕使令客至。屏僕戶外，煮茶漉酒，輒躬爲之。山西藩署有陋例曰：釐頭銀上下皆取資焉。公曰：「官有養廉，僕御官所掣也。何贏餘之有？」遂革之。復居京師，同僚非公不得見。所治獄無縱無濫。蒞部事畢，歸坐一室。家人爲設食飲，暮則置燭對書坐。倦而寢，否則坐暗中。倦亦寢，雖飢甚不自言也。假歸武林時。

大府謙之。用著屐往。終飲。羣官擁送。鼓吹啟戟門。呼公輿馬。公笑索繖。自執之。揚揚出門。去其任天而動多類。此公餘手一編。然罕爲詩文。最喜天文律算書。討論有年。卒未嘗自立一說。蓋其於讀書亦適然。目之適然。不忘。非必欲有事焉耳。其遭遇適如其生。質時至而自合。自少至老。不計得失。亦竟無得失。卒之日。筭無餘衣。園無餘粟。庀其產。不能百金。其廉潔亦性成者。非意於廉也。不知有無之切於身也。

上錫易名之典。曰簡恪論者。謂足概公生平云。

董文恪公事略

董公諱敎曾字益甫江蘇上元人乾隆五十二年一甲三名進士。賜及第授編修。由詞臣入直軍機處。出爲藩臬。性強毅。不阿。督撫皆敬憚之。任川藩時。俗尚華侈。公力矯其弊。務爲儉約。每公宴。誠不用優伶。總督勒公以春酒召。公至門已通刺矣。聞音樂聲。卽返去。勒公爲之撤樂。乃復至。飲盡歡。風尚爲一變。嘉慶十三年。擢安徽巡撫。時文敏公百齡方督兩廣。以海盜方張。銳意滅賊。過皖。貽公詩有云。嶺南一事君應羨。殺賊歸來淡荔支。及盜魁張保就撫。公遺文敏書曰。昔蒙贈詩。當改一字爲撫。賊歸來也。文敏默然。逾年調撫陝西。十七年調廣東。承文敏撫。

賊之後。諸降人桀驁爲閭閻害。公懲治甚力。然不肯妄殺人。廣州有死囚。遇赦減等。改軍而逃。獲之。擬斬決。公以加等律不應死。按察使持之。一日公會。公問按察使曰。某囚可以不死。君必欲死之。何也。對曰。此廣州守所擬也。公誦元次山詩曰。安民天子命。符節我所持。時總督蔣公攸銑在坐。亦以公言爲然。囚竟得減死。二十二年。擢閩浙總督。閩中錢糧疲甚。民間多抗欠。公極力清釐。福清武生林彌高。橫訟包糧。阻眾不納。縣令捕之。爲其黨所截奪。官役皆被創。公檄福州守及參將往捕。不獲。公怒。奏褫兩人冠服。乃獲之。彌高遺書其黨。使劫持合邑抗徵。無一人敢納者。巡撫史公致光患之。公親鞫彌高。得其致書狀。立縛。

出市曹斬之。福清人大懼。又見彌高已死。乃相率納糧且清積欠。一時強宗悍族皆易轍。諸郡肅然。奏入。

上甚嘉焉。漳泉二府多械鬪劫掠案。龍溪令姚瑩捕得渠魁五人。訊其案皆數十起。既承伏。召其族長於庭。詰之各具狀請罪。乃皆杖斃之。尸諸城門。兇徒股栗。逃出境。巡撫史公以不如制疑之。公曰。漳人苦鬪殺久矣。兇狠之徒。歲嘗殺人數百。如兒戲。官軍莫可如何。吏捕率不得正兇。今姚令幸擒之。若逐案傳質。則係累必數百人。非除暴安良本意。且漳州距行省六百里。卽申解按律治之。兇民無由知儆。姚令朝捕而夕誅之。所謂刑亂國用重典也。自是悍俗爲少變。海盜張保自文敏招撫後。奏于

守備官。故嘗肆擾七郡。戕二大將。粵人恨次骨。屢圖殺之。曾文敏去粵。乃攜之入都。改官閩中。數遷至澎湖副將。將擢總兵。林安忠公則徐方爲御史疏論之。乃止。當是時。閩洋復有盜。公方治舟師。姚瑩進曰。張保有罪。無功。遷副將。羣以爲過。何不令其擊賊。勝則收其功。敗可治其罪。卽爲盜殺。亦不足惜也。公深然之。保自是奔波海上。盜平而保亦死。公之任蜀藩也。裁眉獠夷不靖。公率兵馳往。時圖功者衆。咸請進剿。公曰。兵者聖人不得已而用之。若玉石不分。概行殄滅。非所以廣皇仁也。堅不允。廉得漢奸。構衅激變者十一人。夷匪首事者六人。捕誅之。夷眾帖服。及其撫陝西也。激浦嚴如煜方爲漢中知府。公重其賢。優

待之會歲歉。嚴以督築城工。出及歸。已逾請賑期。遂以元旦起行。省謁公。願棄一官爲百姓請。命伏地頓首。不肯起。公立許之。爲破例。陳請卒得。俞旨。嚴在官。得行其志者。以公在也。及公去代之者。爲朱勳。嚴遂十年不獲調。然則公之扶持善類可知矣。二十五年秋。公在閩督任。以疾乞休。許之。道光元年薨。優詔悼憫。賜祭葬如制。諡文恪。公在督撫中。最有名。量宏毅而識明果。不徒以孜孜寡過稱。嘗謂人不可作無益事。不可爲無益語。不可用無益錢。又云。刻於己。爲儉儉。於人。爲刻。人知儉與刻之分。其於涉世也。過半矣。趙文恪嘗歎爲名言。書之日錄中。



阮文達公事略

一代之興必有耆龐魁壘之臣。若唐之燕許及崔文貞。權文公。李衛公。以經術文章主持風會。而其人又必聰明早達。敷愿中外。兼享大年。其名位著述。足以弁冕羣材。其力尤足提唱後學。若儀徵相國。眞其人哉。相國名元。姓阮氏。字伯元。號雲臺。祖王堂。官湖南參將。始占籍儀徵。嘗從大帥征苗。有降苗數千。大帥將戮之。以死請得免。及公貴。人以爲陰德所致。云。乾隆五十一年。公年二十三。舉鄉試。入都。與邵二雲。王懷祖。任子田。三先生友。作考工記車制圖解。有江戴諸家所未及者。五十四年。成進士。選庶常。散館。第一。授編修。逾年。大考翰詹。

高宗親擢第一超授少詹事。命直南書房。修石渠寶笈。一名對稱旨。

上諭樞臣曰。不意朕八旬外。又得一人。晉詹事。充石經校勘官。五十八年。督山東學政。撰山左金石志。得榻本千三百有奇。修鄭司農祠墓。明年調浙江學政。擢內閣學士。嘉慶元年。禪授禮部。進文冊。諭獎其典雅。徵刻淮海英靈集。二年。修經籍纂詁。百十有六卷。選兩浙輶軒錄。得詩三千餘家。注曾子十篇。彙凡三易。三年。擢兵部侍郎。轉禮部。仍直南書房。四年。調戶部侍郎。充經筵講官。副朱文正公總裁會試。得士最盛。江都史致儼。歙鮑桂星。全椒吳鼎。武進張惠言。閩陳壽祺。高郵王引之。蕭山

湯金釗。德清許宗彥。涿州盧坤。欽程祖洛。興康紹鏞。元和陳鍾麟。歸安姚文田。上元朱桂楨。嘉應宋湘。其尤著也。明年授浙江巡撫。時海盜蔡牽擾閩越。疏請捐造大船巨礮。并籌捕土盜。剪艇匪之羽翼。璽書嘉獎。勉以顯親揚名。爲國宣力。成一代偉人。尋遣總兵岳璽等。敗賊於太平。又奏獲杭紹等屬積盜數十。先是錢塘江有小舟曰烏鴉船。昏暮劫掠。公廉得姓名。捕寘諸法。立緝匪章程七則。檄沿海州縣力行保甲。會艇匪竄浙。奏請以總兵李公長庚。總統三鎮舟師。乃親駐台州督勦。獲安南僞侯倫貴利磔之。語在李忠毅公傳。是年金處紹三郡災。疏請賑卹有差。蔡牽旋寇平陽定海。檄水陸鎮將擊走之。增設育嬰堂。

經費銀歲四千兩。六年立詒經精舍。祀許叔重鄭康成兩先生。延王述庵孫淵如主講席。選高材生讀書其中。課以經史疑義。及小學天文地理算法。許各摺討書傳條對。不用扁試糊名法。刻其文尤雅者曰詒經精舍集。不十年。上舍士致身通顯。及撰述成一家言者。不可殫數。東南人才稱極盛焉。又以浙東多古帝王名臣先賢陵墓。繕冊疏報得旨。勤加防護修葺。撰兩浙防護錄。七年浙西饑。疏請蠲豁平糶。立普濟堂於省會。每年冬賑粥四十日。就食者日數千人。八年立海甯安瀾書院。建玉環廳學宮。奏設學額。復奏立杭嘉等郡昭忠祠。請以歷年勦海寇傷溺弁兵三百人入祀。均從之。六月入覲。召對者八。賜宴。

者三。垂問封公年齒甚悉。賞資有加。回任修海塘志。九年。疏請以李公長庚。總統閩浙各鎮。專勦蔡牽。遂敗牽於定海。會浙東水災。疏請蠲緩平糶。并率屬捐賑。建白文公祠於西湖。撰經邦及海運考。兩浙金石志。積古齋鍾鼎款識。十年。賑杭嘉湖三郡饑。檄所屬多設粥廠。分男女爲二。出入進退皆有法。病者藥之。老疾者別爲廠。婦女有厠篷。全活數十萬人。六月。父憂歸里居。成十三經校勘記二百四十三卷。撰皇清碑版錄。編瀛丹書記。重刻石鼓文。置揚州府學。十二年。入都。進四庫未收書六十種。作提要上之。得旨。獎覽。補兵部侍郎。命赴河南勘獄。再撫浙江。先是公撫浙五年。凡安南鳳尾水澳等幫。海盜勦

撫散除。幾盡所餘者。土盜張阿第等十餘艘耳。自蔡牽得志於閩。大掠臺灣。李公長庚死事。至是。牽從安南回棹。聚至五十艘。而張阿第亦有船三十餘艘。勢張甚。乃親赴甯波。督勦。申嚴接濟賊糧之禁。先後敗賊於沙鑊洋。黑水洋。落伽洋等處。賊勢始漸蹙。公復薦邱公良功爲浙江提督。又立專注蔡牽。分船隔攻之法。於是邱公及福建提督王公得祿。遂以十四年秋殲牽於溫州之外洋矣。坐失察學政劉鳳誥代辦監臨舞弊事。奪官。命以編修在文穎館行走。十五年遷侍講。兼國史館總纂。創立儒林傳。得百四十六人。但述學行而不區分門。逕又擬創文苑傳。未就。又集本朝天文律算諸家作疇人傳。累晉少詹事。內

閣學士。十七年往山西河南舉事。遷工部侍郎。八月。授漕運總督。立糧艘盤糧尺算法。頒行各省。十九年。調撫江西。時豫東邪教初平。餘黨煽亂。餘干匪目朱毛俚等。假託明裔謀逆。公率臬司馳往。擒獲胡秉耀等十七名。寘諸法。得旨嘉獎。加太子少保。賞戴孔雀翎。尋獲崇義縣天地會匪鍾體剛。進賢縣搶匪曾文彩。龍南縣會匪鍾錦龍。長甯縣會匪郭秀峰。瀘溪縣會匪陶省三等。各論如律。民情乃安。公在任。以惠士林。二十一年。調撫修省城章江水閘。校刻十三經注疏。以惠士林。二十一年。調撫河南。十一月。遷湖廣總督。奏建江陵范家隄。沔陽龍王廟石閘。以蘇水患。明年。調兩廣總督。奏建大黃窖大虎山。肇慶府各礮。

臺又奏建南海縣屬桑園圍石隄。修廣東通志二十四年秋入京祝嘏。召對十一次。賜克食四十七次。恩賚有加。仁宗皇帝手酌玉杯。賜公同受。賜者惟江督孫公玉庭。川督蔣公攸銖而已。二十五年立學海堂。以經古學課士。如在浙江時。改建貢院號舍。如在江西。時道光元年。奏設郵發局。修廣州城及城北鎮海樓。建三水行臺書院。刻江蘇詩徵百八十三卷。作者五千四百三十餘人。尋刻皇清經解。爲書百八十餘種。爲卷千四百。公在粵十年。兼署廣東巡撫者六。粵中水陸向多盜。公飭屬嚴拏。前後數千計。其賀連交界姑婆山。素稱盜藪。公調兵擒其巢。患乃息。西洋貿易。惟噴咭。喇國貨最多。性尤狡。



嘉慶二十一年。嘗遣使入貢。未許。成禮而回。逾年。公蒞粵。疏請嚴禁鴉片。首以嚴馭洋商。夷商爲務。遇事裁抑之。夷船在黃浦。殺人。公嚴飭洋商。必得兇犯。乃已。商不能庇犯。乃自刎死。有擊死民婦者。亦予絞決。抵罪。道光二年冬。噴夷護貨兵船。殺死民人二。公飭洋商及管事大班。縛犯以獻。大班委其責於兵頭。卽飭傳諭兵頭。獻犯。詭稱夷民互有殺傷。冀相抵賴。公持之力。夷目等聲言。將揚帆歸國。停貿易。公給印諭。言願歸。卽歸。天朝并不重爾等貨稅。於是各船皆出海口。然非其志也。仍潛泊外洋。以待日久。折閱多。其兵船又先遠遁。大班等乃稟求回岸貿易。俟下次貨船抵粵時。縛犯來獻。公復給印諭。兵船不許復。

來其見在貨船暫許貿易續到者如不能縛犯仍嚴拒不許入  
方事之殷商民官吏皆惶惶或言關稅將自此大絀且慮激變  
爲朝廷憂公曰國體爲大稅數爲輕且索兌理長不可爲所  
欺矧力持二三月夷目始有乞回貿易之稟自是兵船亦不敢  
復來公調任兵船卽踵至海臺乃自此多故矣六年夏調雲貴  
滇省鹽政久抗弊歲細課十餘萬公首劾臺吏力杜井竈走私  
弊七年奏銷溢額萬六千兩明年又數倍之乃疏請酌畱溢額  
銀兩備邊費從之騰越極邊有野人一種茹毛穴處時入內地  
劫掠爲邊患而保山等處別一種邊夷曰獠獠本土司所轄也  
以墾田射獵爲生精於桑弩毒矢野人畏之公乃籌邊費萬金

招獐獮三百餘戶駐騰越邊界給地屯種以禦野人會訛言總督將帥兵親討於是南甸隴川等土司帶領二十餘寨野人來乞降並獻木刻設誓八年十二月入覲召對十次賜紫禁城騎馬及御書春帖子尋召入乾清宮面賜福壽字賞賚無數十二年遷協辦大學士仍畱總督任十三年二月陞見時年七十矣賜御書福壽字亮功錫祐扁額及尙方珍物爲公壽尋命充會試副總裁四月回任公督滇黔十載值車里土司刀繩武與其叔刀太康鬪因而脅官求助其時漢夷流言皆謂當助姪滅叔公不爲動檄鎮道等擊敗繩武另擇人承襲亦不追殺要功其後越南保樂州土官農文雲謀判其國

聚。聚。收。官。經。陵。兵。捕。追。公。飭。沿。邊。嚴。防。毋。令。一。夷。竄。入。亦。不。得。  
生。事。貪。功。妄。殺。手。詔。嘉。之。其。鎮。靜。得。大。體。多。類。此。十。五。年。拜。  
體。仁。閣。大。學。士。管。兵。部。事。充。經。筵。講。官。教。習。庶。吉。士。兼。署。左。都。  
御。史。

宣宗兩次謁陵均命留京辦事十八年以足疾請告疏再  
上。優。詔。許。致。仕。仍。食。半。俸。瀕。行。加。太。子。太。保。公。歸。里。後。築。別。墅。  
於。湖。莊。曰。南。萬。柳。堂。蓋。以。別。於。馮。文。毅。之。都。城。別。業。也。二十三  
年。公。壽。八。十。復。拜。御。書。扁。額。楹。聯。福。壽。字。及。尙。方。珍。幣。之。  
賜。二十六年丙午以重赴鹿鳴宴加太傅銜食全俸公疏謝  
手。敕。報。曰。願。卿。福。壽。日。增。以。待。三。赴。鹿。鳴。之。盛。事。也。考。本。朝。大。

臣生前加太傅者自金文通洪文襄范文肅鄂文端曹文正長  
文襄外得公而七公以後惟潘文恭世恩而已餘皆贈自身後  
者也二十九年十月薨年八十有六 優旨悼卹 賜祭葬

子謠文達所著書曰學經室集先後刊行海內名宿著述如錢  
辛楣三統術衍地球圖說謝東墅食物百詠張皋文虞氏易儀  
禮圖汪容甫述學錢溉亭述古錄劉端臨遺書凌仲子禮經釋  
例焦里堂雕菰樓集鍾啟崖考古錄孔驥軒儀鄭堂集胡西荅  
詩集張解元貴吏部詩集僧誦茗蔗查集李四香算書凡數十  
家子常生官清河道前卒福平涼府知府祐舉人官知府繼配  
孔氏王詩著清唐宋舊經樓彙